


TEZAU LITURGIC

26 AUGUST

ACATISTUL SF. PREOT- MĂRTURISITOR ROMAN MEDVED DE LA MOSCOVA



MOSCOVA, 2000



АКАФИСТ

СВЯЩЕННОИСПОВЕДНИКУ

РОМАНУ Медведю

Кондак 1

Избранный наставниче и кроткий воине Христов, Православней веры ревнителю и земли российстей просветителю, во святом крещении Романом нареченный, в иночество пред кончиною с именем Иосиф благословенный, величающе прославльшаго тя Господа, воспеваем ти похвальная. Ты же от юности протоиереем Иоанном Кронштадтским окормленный, от всяких нас бед свободи зовущих:

Радуйся, священноисповедниче Романе, крест страданий в заточении во спасение наше претерпевый.

Икос 1

Ангелов Творец посла тя, отче Романе, земли российстей, яко ангела незлобия, заблуждшему народу на вразумление, ищущий Господа в просвещение, жаждущим спасения в молитвенное попечение. Тя бо избра Господь на страдания безвинныя за грехи людския. Мы же, дивящися таковому о тебе промыслению Вседержителя, покаянно зовем ти:

Радуйся, Третьего Рима украшение,
Радуйся, образе кротости и смирения.
Радуйся, пред Господом наше попечение,
Радуйся, грехов спасительное покрытие и
очищение.

Радуйся, пострадавший Христа ради, новому
Израилю в благословение,
Радуйся, воине Бога Правды в битве за наше
спасение.

Радуйся, земная и мимотекущая ни во что же
вмени-вый,
Радуйся, мужественно иго Божие на себе
возложивый.

Радуйся, священноисповедниче Романе, крест
страданий в заточении во спасение наше
претерпевый.

Кондак 2

Видящи Всеблагая Богомати во уделе Своем
страну нашу мерзостию растления оскверняемому,
избра ты, отче Романе, Руси во очищение,
пастырем Церкви богоизбранного народа во
окормление, да покрываемии святыми
молитвами твоими с надеждою вопием Богу:
Аллилуиа.

Икос 2

В Холмской семинарии у Бога прославленного в
грядущем веце Патриарха Тихона боговедение

твое Господь укрепил еси, святче Божий, и в Академии духовней протоиерея Иоанна Кронштадтскаго в духовные отцы тебе Он же благословил еси. Мы же, грехи и беззакония наша поминающе, с трепетом сердечным и сокрушением душевным вопием ти сице:
Радуйся, ревнителю благочестия богоизбранный,
Радуйся, светильниче во дни русской смуты отрадный.

Радуйся, идеалов христианскаго братства защитителю,

Радуйся, духовных подмен ревностный обличителю.

Радуйся, служение во святем алтаре камнем духовным провозгласивый,

Радуйся, безкровную жертву за народ Божий неустанно к Небу возносивый.

Радуйся, Богом дарованный талант приумноживый.

Радуйся, в радость Господа твоего вшедый.

Радуйся, священноисповедниче Романе, крест страданий в заточении во спасение наше претерпевый.

Кондак 3

Сила Вышняго пастырское служение твое воистину определила еси, по немощи телесней в Севастополь град настоятелем Свято-Владимирскаго адмиралтейскаго собора и

благочинным береговых команд флота русского в дни смуты великой ты Господь привел еси. Мы же, видяще попечения Божия сия, со слезами вопием Ему: Аллилуиа.

Икос 3

Имея тщание о вразумлении заблудших, отче Романе, яко пастырю добрый, покаянию и смирению нас научаеши, токи благодатнаго укрепления по молитвам святым в сие трудное время нам источаеши, подобно духовному пробуждению восставших матросов линкора «Святой Иоанн Златоуст» нас, растерявших сокровища веры Святой Руси, к покаянию призываеши. Сего ради поем Богу:

Радуйся, пастырю Христова стада верный,
Радуйся, хранителю благодати Духа
добропобедный.

Радуйся, страсти погашать смирением и
покаянием научавый,

Радуйся, на Господа во всех гонениях надежду
возлагавый.

Радуйся, молитвенное дерзновение в чистоте
веры обретый.

Радуйся, возвращению в лоно Церкви, к
таинствам Христовым народ Божий
призываеши.

Радуйся, сладостями духовными нас
насыщаеши,

Радуйся, от печалей мира сего отвращаеши.
Радуйся, священноисповедниче Романе, крест
страданий в заточении во спасение наше
претерпевый.

Кондак 4

Бури безумия и злоречия не убоялся еси, отче
Романе, благословение Патриарха Тихона
проповедывать во граде Москве получил еси,
общину храма Василия Блаженного по расстреле
настоятеля без колебаний в окормление приял
еси. Тако благодатию Божиею восходил еси от
силы в силу, поя Богу: Аллилуиа.

Икос 4

Видя державы Российския нестроения и стада
Христова кровавое гонение, молился еси
непрестаяй, да спасет всеблагая Мати Царице
Богородице страну нашу православную, да
дарует Господь народу дух покаяния, силу
державную. Сего ради вопием ти:
Радуйся, чистый источниче Божия вдохновения,
Радуйся, земли московския духовное
окормление.
Радуйся, проповедь и наставления и в смуту не
оставлявый,
Радуйся, небесным благовестием сердца
терзаемой согревавый.
Радуйся, у раки Василия Блаженного молитвы о

народе нашем со слезами возносивый,
Радуйся, железные вериги святого в проповедях
зривый.

Радуйся, злоречивых уст заградителю.

Радуйся, безбожного жития обличителю,

Радуйся, священноисповедниче Романе, крест
страданий в заточении во спасение наше
претерпевый.

Кондак 5

Боготечная звезда, пастве в гонении сущим
явился еси, святче Божий, во единое словестное
стадо Христово собираяй и людей, гибнущих в
безумии греха, на путь спасения наставляяй. Мы
же, верою узревши путь несения креста, путь
спасения, путь Христа, с радостию вопием ти:
Аллилуиа.

Икос 5

Видевши московскийи людие великаго тя
благочестия защитника, отче Романе, во
множестве к тебе в братство ревнителей
Православия притекаху. Тем же мы вси,
таковому твоему боголюбию дивящеся, вопием
ти:

Радуйся, подвижниче богопрославленный и
дивный,

Радуйся, пастырю, врагом рода человеческого
гонимый.

Радуйся, от теплохладности многих отвративый,
Радуйся, к чистоте духовней и к преданности
вере призывавый.

Радуйся, о любви Христовой пред залитым
кровию отечеством вещавый,
Радуйся, о соблюдении заповедей Закона Божия
говорити не устававый.

Радуйся, щите, от напастей ограждение,
Радуйся, жезле, падающих подкрепление.

Радуйся, священноисповедниче Романе, крест
страданий в заточении во спасение наше
претерпевый.

Кондак 6

Решительное покаяние за всю жизнь и личное
обращение ко Христу Спасителю проповедал
еси, отче Романе, народ Божий в лоно Церкви
возвращал еси, научаяй тем люди Твоя
благодарственно пети Богу: Аллилуиа.

Икос 6

Воссиял еси светом истины земли
первопрестольнаго града Москвы заступление
православному народу молитвами явивый,
исповедию, чтением канонов, пением
церковным, звоном колокольным к жизни во
Христе многих пробудивый. Сего ради
воспеваем ти таковая:

Радуйся, свете от Востока исшедый,

Радуйся, чистоты и дерзновения в молитве хранителю умелый.

Радуйся, благочестия христианского попечителю,

Радуйся, грехов наших пред Богом искупителю.

Радуйся, ангельскую кротость в чадах насадивый,

Радуйся, в сан духовный достойных благословивый.

Радуйся, врачу наш скорый и благодатный,

Радуйся, в вере нашей помощниче славный,

Радуйся, священноисповедниче Романе, крест страданий в заточении во спасение наше претерпевый.

Кондак 7

Хотяй веру Православную на земли русския в чистоте утвердити, болезни как Крест Христов в трудах превозмогал еси и о пище духовней для чад своих неотступно попечение имел еси. Мы же, обряще вразумления сия благодарно со слезами вопием Богу: Аллилуиа.

Икос 7

Видяще тя избранника Божия, неизменно притекали к тебе духовныя чада, Господа прославляяй и тем богоборцев прогневляяй.

Скорое гонение на братство дивеевская блаженная старице Мария открыла еси тебе. Мы

же все труды твоя поминающе, непрестанно
воспеваем ти сицевая:

Радуйся, православных братств окормление,
Радуйся, всем гонимым отрадное утешение.

Радуйся, пострижение в монашество многих
благословивый,

Радуйся, от богоборцев тайное их к Богу
восхождение скрываваый.

Радуйся, просвещения духовнаго устройтелю,
Радуйся, сознательного внесения Креста
Христова учителю.

Радуйся, правды Божия учения блюстителю,
Радуйся, бесов от человек прогонителю.

Радуйся, священноисповедниче Романе, крест
страданий в заточении во спасение наше
претерпевый.

Кондак 8

Божию милость видим на тебе, отче Романе,
десницею Всевышняго многажды спасаемый
смиренно лжесвидетельство понесл еси и тем
пред Богом Христом на небе прославляемый.
Кто возможет, святче Божий, понести болезни и
борения твоя, яже потерпел еси Господеви поя:
Аллилуиа.

Икос 8

Весь всем христианом заступник явился еси со
святыми в земли российстей просиявших,

подвизем своим прощения нам грешным и
окаменевшим сердцем испросил еси, на похвалу
подвизая пети тебе:

Радуйся, защитниче, безвинно в тюрьмах
заточенных,

Радуйся, учителю за правду и веру

Православную на страдания обреченных.

Радуйся, черноморских моряков в смутное
время духовное окормление,

Радуйся, и поныне флота русского ограждение.

Радуйся, венец священоисповедника Христова
обретый,

Радуйся, в заточении суровом к дивному
смирению пришедый.

Радуйся, источниче, жажду ведения Бога
утоляеши,

Радуйся, сердца наша от многозаботливости
очищаеши.

Радуйся, священоисповедниче Романе, крест
страданий в заточении во спасение наше
претерпевый.

Кондак 9

Всякое естество ангельское удивися промыслу
милосердия Твоего, Боже наш, яко даровал еси
нам толико славнаго заступника и благочестия
ревнителя, мудраго наставника и о спасении
душ наших пред Престолом Твоим, Господи,

попечителя. Мы же, обряще сокровища сия, со слезами радости вопием Богу: Аллилуиа.

Икос 9

Всего себе Господу Богу предал еси,
страстотерпче Христов, мир среди людей
утверждай и вражьи козни добром и любовью
Христовой побеждай. Мы же, истинность
боговещанного пророческаго речения зря, с
радостью вопием ти:

Радуйся, ангельское и наше непрестанное
удивление,

Радуйся, носителю Божию прославления.

Радуйся, образе кротости и терпения,

Радуйся, гордыни сокрушение.

Радуйся, наша надежда и попечение,

Радуйся, грехов тяжких и отступлений от Бога
умягчение.

Радуйся, встречу со Христом верным поныне
уготовляеши,

Радуйся, в нощи отступления от Бога нас не
оставляеши.

Радуйся, священноисповедниче Романе, крест
страданий в заточении во спасение наше
претерпевый.

Кондак 10

Спаستися хотяй всем человеком, иже на крови
мучеников и страданиях исповедников Своих

Церковь основавший сердцеведец Христос,
положи ты, отче Романе, в сонме святых во
основание новья храмины державы
Российския, да вси в ней сущья вопиют Богу:
Аллилуиа.

Икос 10

Прибежище был еси всем к тебе с верою
прибегающим, граду Москве ограждение, ересей
грозное пресечение, чистоты Православней веры
славное попечение. Мы же обетованное духовное
возстание России в молитвах призываем и в
покаянии вопием сице:

Радуйся, страданий крест с верою во спасение
принявый,

Радуйся, врага рода человеческого подвигом
жизни своея поправый.

Радуйся, по милости Божией, даровавший нам
мощи святых свои во очищение,

Радуйся, храма Покрова Божией Матери на
Таганке во граде Москве на Лыщиковой горе
духовное украшение.

Радуйся, патриаршей паствы Москвы духовное
укрепление,

Радуйся, православных людей в тревоге дней
апостасии ограждение.

Радуйся, образе мытырева смирения,

Радуйся, кроткий лик небеснаго прозрения.

Радуйся, священноисповедниче Романе, крест

страданий в заточении во спасение наше претерпевый.

Кондак 11

Пение благоуханное непрестанно Пресвятей Троице и Богородице возносяще, всеми помыслами и делами исповедником великим благочестия в стране Российстей в час суровый прибыл еси: унывшим в укрепление, жаждущим в духовнаго спасения в просвещение, воинам Христовым во благословение. Мы же, возлюбивше Господеви за таковую милость Его к нам, выну зовем Ему: Аллилуиа.

Икос 11

Богоизбранный светильник быв в житии, отче Романе, яко светозарное светило возсиял еси, ослабших в духе укрепил еси, смысл жизни в молитве благодатней многим открыл еси, темже поем ти:

Радуйся, чистотою веры Православие в мире славивый,

Радуйся, подвигом терпения скорбей долгаго заточения и стяжанием благодати жизнь свою пред Богом оправдавый.

Радуйся, образе Христа своим житием нам показавый,

Радуйся, Россию - Дом Пресвятей Богородицы от духовнаго осквернения защищавый.

Радуйся, дар слез покаяния и Христоваго
утешения в жизни обретый,
Радуйся, Божественный свет и славу Божию еще
в сей жизни узревший.

Радуйся, благодать спасительную стяжать
успевый,

Радуйся, Царицу Небесную, Мати Света в
вечности обретый.

Радуйся, священноисповедниче Романе, крест
страданий в заточении во спасение наше
претерпевый.

Кондак 12

К тебе любовь Царицы Небесней ведущи, святче
Божий во храме Покрова Пресвятей
Богородицы, мощи твои святии Господь упокоил
еси, молися ко Заступнице усердней, да покрывает
Дом Свой, Россию, благодатным духом
покаяния, да сподобимся желанного
спасительного очищения, да поем тобою
благодееющему нам Богу: Аллилуиа.

Икос 12

Поюще страдания твоя, страстотерпче Романе,
поклоняемся терпению твоему, яко благодати
Святыя Троицы тебе дарованней, да вси
велегласно вопием:

Радуйся, чадо Христово, посланное нам в
укрепление,

Радуйся, воине безстрашный нам для подражания.

Радуйся, исповедниче пречистый, небом данный в покаянное очищение,

Радуйся, пастырю предивный, сшедший во благое утешение.

Радуйся, Пресвятая Троицы певец благочестивый,

Радуйся, чистоты Православной веры исповедниче предивный.

Радуйся, любящим тя ходатаю спасения,

Радуйся, величающим тя защитниче и попечение.

Радуйся, священноисповедниче Романе, крест страданий в заточении во спасение наше претерпевый.

Кондак 13

О предивный угодниче Христов, пастырю и молитвенниче наш добрый, отче Романе, прими малое сие моление наше в похвалу тебе от чистаго сердца возносимое, призри на нас немощных и грехами обремененных и, предстоя ныне престолу Царя царствующих, Господа нашего Иисуса Христа, молися о всех нас: проси, проси, святче Божий, да обрящем милосердие его в день судный, в радости поюще Пресвятей Троице: Аллилуиа. [трижды]



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДНИЦЕ
АРХАНГЕЛАМ
И АНГЕЛАМ**

І

**НОВОЕ
* НЕБО**